



CONVENIO DE COLABORACIÓN 1480/611 ENTRE A CONCELLERÍA DE DEPORTES DE VIGO E A FEDERACIÓN GALEGA DE TENIS POLA UTILIZACIÓN DE TRES PISTAS DE TENIS NA INSTALACIÓN MUNICIPAL DE SAMIL PARA O DESENVOLVEMENTO DO PROGRAMA DE DINAMIZACIÓN DO TENIS "PROGRAMA MUNICIPAL PRACTICA TENIS 2017-2018"

Na Cidade de Vigo a quince de novembro do ano 2017

REUNIDOS

Dunha parte, o Excmo. Sr. D. Abel Caballero Álvarez, Alcalde-Presidente do Concello de Vigo (CIF P 3605700H).

Doutra parte D. Jose Antonio Pereiro Rodríguez, con DNI: 33323238-X, como Presidente da Federación Galega de tenis con CIF:G-15102767

MANIFESTAN

Que o Concello de Vigo, a través da Concellería de Deportes, xestiona a infraestrutura deportiva da cidade e que de forma xeral desenvolve programas de promoción deportiva en tódolos ámbitos.

Que ambas entidades están interesadas en colaborar conxuntamente na coordinación de esforzos de cara a reunir os recursos necesarios para o correcto desenvolvemento de programas de colaboración en materia de promoción e dinamización da práctica deportiva de Tenis.

Que de forma xenérica o obxecto principal do presente convenio engloba unha serie de actuacións en relación á dinamización e potenciación dun proxecto deportivo de tenis nas instalacións Deportivas de Samil.

Por outra banda, a Federación Galega de Tenis é unha entidade privada con personalidade xurídica propia, plena capacidade de obrar, e teñen a consideración de entidades de utilidade pública nos termos establecidos na lexislación vixente, cuxo ámbito de actuación exténdese ao termo da Comunidade Autónoma de Galicia no desenvolvemento das competencias que lle son propias.

Entre as funcións establecidas nos seus estatutos, a FGT ten a de desenvolver programas de especialización do deporte do tenis e a de colaborar coa Administración deportiva de Galicia, os entes locais e as agrupacións deportivas escolares na organización e no desenvolvemento dos programas xerais do deporte do tenis na idade escolar.

Tal como establece a Lei 3/2012, de 2 de abril, del Deporte de Galicia, corresponderá ás Federacións Deportivas Galegas, con competencia exclusiva na



súa modalidade deportiva, entre outras, colaborar coas administracións públicas e coa Federación Española correspondente, así como coas restantes entidades deportivas na promoción das súas respectivas modalidades.

As actuacións de colaboración das administracións Locais con entidades promotoras do deporte e a A..F, vinculadas ó desenvolvemento de programas de promoción ou a dinamización e tecnificación relacionados co ámbito federativo do deporte, pode contribuir a mellorar o nivel deportivo dos e das deportistas da cidade, a consolidar a Vigo como unha das poboacións que lideran a promoción do deporte na comunidade Galega e a evitar que os e as deportistas Vigueses teñan que desprazarse a outras poboacións para desenvolver estes programas.

Tendo en conta o interese común reflexado nos estatutos de ambas entidades polo desenvolvemento de proxectos encamiñados ó fomento e promoción do deporte, neste caso o tenis, atendendo á proposta remitida pola Federación Galega de Tenis, na que plantexa o desenvolvemento dun programa de dinamización do tenis nas pistas ubicadas no Complexo Municipal de Samil, e que ademais a FGT conta con recursos propios suficientes, tanto materiais como persoais, e capacidade, para o desenvolvemento do dito programa, e considerando o interese do Concello de Vigo por ofertar actividades relacionadas con obxectivos orientados a saúde e ó ocio, plantéase a necesidade de articular un convenio de colaboración que permita establecer as condicións para o desenvolvemento dun programa conxunto de dinamización do Tenis coordinado pola Federación Galega de Tenis e tutelado pola Concellería de Deportes, unificando esforzos e criterios, operativizando e optimizando recursos e ampliando a oferta deportiva no ámbito do deporte-saúde e do deporte-ocio.

Polo todo o que vai dito, procede asinar un convenio de colaboración que articule o desenvolvemento do programa, e que rexirase polas seguintes cláusulas,

CLÁUSULAS

A Federación Galega de Tenis como organizadora comprométese a:

- 1) Desenvolver un programa de dinamización do tenis no complexo municipal de Samil "Programa Municipal Practica Tenis", orientado á formación e a práctica saudáble desta modalidade. A proposta da FGT deberá abarcar os apartados de promoción, formación e tecnificación da modalidade de tenis, para o que se adxuntará a este convenio o desenvolvemento do proxecto, onde se recollerán os importes que a FGT repercutirá nos usuarios das actividades propostas co obxectivo de conseguir o equilibrio orzamentario. Dita proposta deberá ser presentada a Concellería de Deportes anualmente no mes de xuño.
- 2) Elaborar un programa xeral de difusión do tenis da cidade cun formato e imaxe autorizado pola Concellería de Deportes e incluír a actividade nos medios de difusión que a Federación utilice (Web...).



- 3) Atender as suxerencias e propostas transmitidas polos técnicos da Concellería de Deportes
- 4) Utilizar as pistas de tenis 1, 2 e 3 do complexo municipal de Samil única e exclusivamente para o desenvolvemento das actividades propostas no programa de actividades de acordo cos horarios, fins e obxectivos mencionados na memoria do convenio.
- 5) Entregar mensualmente a planificación de usos das instalacións.
- 6) No caso de ser necesaria a utilización doutros espazos para o desenvolvemento das actividades deportivas, a FGT solicitará na oficina de programación da Concellería de Deportes o uso destes outros espazos.
- 7) Suscribir anualmente unha póliza de responsabilidade civil sobre as actividades coas coberturas e alcance necesarias, asumindo tódalas responsabilidades vinculadas á organización do programa, para o cal cumprirá tódolos requisitos de seguridade obrigatorios para a actividade.
- 8) Cumprir coa lexislación vixente en materia laboral no referente ó persoal destinado ó desenvolvemento das actividades vinculadas ó programa de actividades, asumindo a responsabilidade en calquera cuestión vinculada ó persoal docente, sen que este teña relación laboral algunha ca Concellería de Deportes.
- 9) Realizar e entregar na Concellería de Deportes, unha memoria sobre as actividades desenvolvidas, que deberá incluír; descripción da actividade, materiais utilizados, nº de participantes, valoración das actividades, así como outros apartados que se consideren de interese. A FGT entregará na Concellería de Deportes a memoria final da actividade na que reflexará tanto os datos deportivos como o resultado económico do desenvolvemento do programa.
- 10) Notificar ó persoal da Concellería de Deportes calquera incidencia ou necesidade derivada do uso das instalacións coa maior axilidade posible.
- 11) Informar a Concellería de Deportes do persoal que a FGT destine ó desenvolvemento do programa, identificando ó responsable e coordinador das actividades. A FGT comunicará por escrito calquera modificación da identidade deste persoal.
- 12) A Entidade deberá ter unha póliza de responsabilidade civil de cobertura da actividade e cobertura de accidentes previa á sinatura do convenio.
- 13) Os participantes que desenvolvan a actividade na instalación será exclusivamente os vinculados o programa de actividades, non estando permitido ningún outro uso que non sexa a impartición deste programa de actividade física.



- 14) Notificar calquera cambio no persoal docente ou na estruturación das actividades, horarios...
- 15) Colaborar ca Concellería de Deportes no desenvolvemento das actividades deportivas que se promovan.

A Concellería de Deportes de Vigo como entidade colaboradora comprométese a:

- a) Proceder á reserva sen cargo das pistas de tenis 1, 2 e 3 ubicadas no Complexo Municipal de Samil, durante a vixencia do convenio, entre as 09:00h e as 22:00h de luns a domingo, e sempre que o Complexo permaneza aberto ó público para o desenvolvemento do programa municipal de dinamización do Tenis "Practica Tenis", que incluírá un proxecto para a promoción e dinamización do tenis na instalación de Samil en base o apartado "A,4" do artigo 5 "Exencións e Bonificación" das Ordenanzas e Tributos do Concello de Vigo no ano 2017, na súa ordenanza 52", un total de 13.533 horas durante a duración do convenio en 347 días, unha pista cun total de 4511 horas de 1º categoría a 7,95 € a hora e dúas pistas cun total de 9.022 horas de 2º categoría a 5,45 horas, e que ascende ó importe estimado de 85.032,35 €.
- b) Asumir os gastos de mantemento e conservación das pistas utilizadas para o desenvolvemento do programa de actividades, dentro do contexto xeral do complexo deportivo de samil, agás dos que se deriven de accións u omisións negligentes por parte da FGT que ocasionen danos nas instalacións.
- c) Controlar o bo uso das instalacións a través do seu personal técnico, reservándose a capacidade de notificar e facer cumprir aquelas cuestións que considere oportunas relacionadas con este tema.
- d) A vixencia deste convenio é para as citadas actividades dende a data de sinatura do presente convenio ata o 30 de Setembro de 2018, as posibles modificacións solicitadas polo centro, en todo caso, estarán supeditadas a criterios de organización e dispoñibilidade de instalacións:

| Días | Horario |
|----------------|-----------------------------|
| Luns a Domingo | Tres pistas de 9:00 a 22:00 |

- e) Para o seguimento do presente convenio formalizarase unha comisión de dous membros por cada unha das partes, para resolver tódalas incidencias non contempladas no presente documento.
- f) A sinatura do presente convenio non exclúe a posibilidade de establecer outros acordos para o desenvolvemento de actividades diferentes ás que recolle o presente convenio.



- g) No caso de incumprimento das obrigas e os compromisos asumidos neste convenio, por cada unha das partes, poderanse aplicar medidas de suspensión ou anulación da vixencia do convenio.

Como proba da conformidade asinan en Vigo o presente convenio por triplicado exemplar, o día 15 de novembro de 2017

O Presidente da Federación Galega
de Tenis

Jose Antonio Pereiro Rodríguez

P.P.

O Alcalde de Vigo

Abel Caballero Álvarez